

MADONNA
DIE ANOTHER DAY
da David Spinnler

Finalmain! I dat puspè in James Bond!
E lura gia la dischillusiun: La chanzun da titel
è ina catastrofa! Era sche Madonna la chanta.
Die Another Day è en noss kinos ils 28.11. –
Pierce Brosnan è il 007 – Halle Berry è il Bond
Girl – tge vul ins dapli?

Ma sco emprim stuvain nus ussa tadlar gia
dapì in temp questa chanzun malfatta. Madon-
na ha vulì far insatge auter. Denteren lascha
ella perfin splatschar ils mauns ad in pêr col-
legas – uschia tuna quai en mintga cas.

E lura quella vusch da staccato cun in pau
effects tecnoids.

Igl è in schaiss!

Dentant – fans da James Bond – si cullas ure-
glias e dai: sut naginas cundiziuns na dastga
mancar ina unica single cun ina chanzun titel
dad in James Bond en la collecziun privata.

Basta: laschain chanterlar a Madonna – il film
vegn segir ad esser in highlight. Da la lavur
dal reschissur Lee Tamahori dastg'ins avair
mirveglias – Pierce Brosnan è in Bond cum-
provà – e lura vegn anc il highlight: Halle
Berry che ha a chasa il Oscar per sia rolla en il
film Monster's Ball – Halle Berry è il Bond
Girl.

Cun tut quellas perlas supportins era anc
questa chanzunetta irrelevanta da Madonna.

Single: Madonna – 'Die another day' – Warner
www.madonna.com, www.jamesbond.com, wbr.com



la schibetta dal mais – proponida dal Battaporta
dal Radio Rumantsch

